

دائرة مخصوصه

درسعادتده باب عالی جوارنده

محل اداره :

# مصلحت افکار

اخطار :

مسلكمنزه موافق آثار جديده مع المنوئيه  
قبول اوانتور

درج ابدنه بن آثار اعاده او ثبات

دينه، فلسفه، علوم، حقوق، ادبياتده و سياسياتده و بالخاصه كرك سياسي و كرك اجتماعي و مدني احوال و شئونه اسلاميه و نه بحث ايدر و هفته ده بر نشر افنور.

آبونه بدلی

سنه لکی التي آیلنی

|                     |    |    |       |
|---------------------|----|----|-------|
| ممالك عثمانیه ایچون | ۶۵ | ۳۵ | غروش  |
| روسیه               | ۶۵ | ۳۵ | روبله |
| سائر ممالك اجنبیه   | ۱۷ | ۹  | فرانق |

صاحب و مؤسسری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

درسعادتده نسخه سی ۵۰ پاره در

قیرله دن مقوا بورو ایله کوندریلیرسه سنوی  
۲۰ غروش فضله آلنیر

عدد : ۹۵

۲۲ جمادی الآخر ۳۲۸ پنچنبه ۱۷ حزیران ۳۲۶

دردنجی جلد

دور دنجی ماده — جمعیت، تمل اعضاستدن، عمرنده ایچی قوللامش اولانلر عین ایتدیله که : بیکر بیل یاشاسلر ، اولرده ، شوراده بوراده صاقلی قاپاقلی ، یعنی خصوصی اولارق ، ایچی قوللانیلر اولسه بیله ، هیچ اولمازسه [ ارکلی قصبه سنده دکل ] بوتون ارکلی صینیرلری ایچنده بر تک میخانه قالمایانه قدر ایچی دشمنلنی کندنلرینه ایش ایدینه جکلردر .  
[ بو موطلوانی کورمه عمرلری یتزسه چوجقلرینه ایتش اولدقلری یعنی یرینه کتیرمه لری تربیه سنی ویردکن باشقه جه ، وصیتلر ایده جکلر ، وصیتنامه لر براقه جکلردر . .

یاشاسین او اوغوللر ، قیزلر . . یاشاسین او ارکلیلر ، یاشاسین او ارکلی صینیرلری ایچنده ، طیشنده یاشایان همشیریلر ، عثمانیلر . . حتی بوتون یر یوزنده کی انسانلر که : ( قارا دکیز ارکلیسی عثمانلی ایچی دشمنلری جمعیتی ) نه ، یر یر مجلسلر قورارق ، جمعیتلر آچارق ، یاردجی اولورلر . جمعیت ده یر یوزنده کی بوتون بوکی آجیلان ، یاخود آچیلش اولان جمعیتلرله دانیشمایه ، مکتوبلاشمایه کیریشهرک ، ایدیلن تجربه لردن استفاده یی اک بویوک برفیض ، بر موفقیت یولی بیلیر .

بشنجی ماده — جمعیت . اکر وارسه ، بری دو قنور اولق اوزره ، یدی اعضالی بر ( اداره مجلسی ) ایله اداره اولونور ؛ اعضاستدن بشی مطلقا ایچی قوللامش ، حتی سرخوشلق عالنده ایچه یووالامش ؛ ایکلیسی ، اکر وارسه ، ایچی هیچ قوللامش اولانلردن اولور . ( اداره مجلسی ) اک آزدن ، علی العاده ایکی هفته ده بر کره طویلانیلر . هر آلتی آیده بر کره بر ( جمعیت مجلسی ) قوریلور . بوکا جمعیتک بتون اعضاسی دعوت ایدیلور . اداره مجلس اعضاسی ایله بونلردن برینی جمعیت رئیس اولارق بو مجلس انتخاب ایدر . جمعیتک بر ( کاتب صندوقکار ) ی بولونور . بولری ( اداره مجلسی ) کندی اعضاستدن انتخاب ایلر .

آلتینجی ماده — جمعیت ، وظیفه سنی بتیرمش صاییلنجه عموم اعضانک اوچده ایکی رأی وارسه ، داغیتیلایلر ؛ داغیلنجه : مالاری ، ملکلی ، هریشیتی ( قارا دکیز ارکلیسی معارف قومیسونی ) نه هدیه ایدیله جکلر .  
یدنجی ماده — جمعیت ، حکومتجه ، قانونجه طانمشدر .

### تمل مجلسی

۹ محرم ۱۳۲۸ ، ۸ کانون ثانی ۱۳۲۵  
بر قونفرانس وسیله سیله طونالی حلی بک ایچییه قارش بر جمعیت یاییلمسی تکلیفنده بولوندی . جمعیته ایکلیسی خرسیتیان ، بشی ایچی هیچ قوللامش اولق اوزره (۶۹) همشیری یازیلدی . ( کل مسکر حرام ) تلنجه شو قلاووز قبول اولوندی :

هر سرخوشلق ویرن ، دشمندر . . .

## عالم اسلام

انکلتزده بویوک برمیسیونر مؤتمری

و

### استقبال اسرم

اوت بوملکتهده ایوم بویوک برمیسیونر مؤتمری منعقددر . بوملکتهده ، مجتمعه آمریکاده ، آلمانیا ، ایسویچرده ، هولانداده ، اسوجده وسائر بلاد غربیه ده موجود اولان برمیسیونر جمعیتلرینک تعیین ایتدکلری بیک ایکی یوز قدر مرخصی حاوی اولان بومؤتمر نصرانیت اسقوچیانک مرکزی بولتان ( ادینبورغ ) شهرنده اجرای

مذاکرات ایلکدهدر . انکلتز قرالی حضرتلری تحت حکمرانینسده بولسان بر بلدهده طرق متنوعه کنیسائییه منسوب ذوات غیوره دن مرکب بویله مهم بر مؤتمرك انعقادندن طولانی برنامه مخصوصه ایله بیان محظوظیت ایلدیکی کی ، اخیراً آفریقا سیاحتندن عودتنده شرقده مدنیت غربیه قدر نفوذ نصرانیتک دخی ترویجنه بر طرفدار مجاهد اولدیغنی عالم اراؤه ایلش اولان مجتمعه آمریقا سابق رئیس جمهوری مستر روسفلت دخی بر تبریکنامه یازمشدر . مؤتمرده ابنای سائره عالمک اوامر انجیلیه وجهله نفوذ نصرانیت دائره سینه ادخال ایچون ایجابات زمانیه کوره نه کی تدابیر اجرایی لازم کله چکی تذکر اولندیغنی صروده عالم اسلام ایچون بک مهم سوزلر کچمکدهدر . انکلتزده الکمشور غزته لر مؤتمرك مذاکراتی حقنده هر کون ستونلر تخصیص ایلدکلری حالده استانبولدن آلدیغ غزته لرک هیچ برنده بو بابده کله واحده بیله بولنامسی بنده کزجه موجب حیرت بر حال کورینیور .

هپ کرید ، کرید ، کرید . « فلان رجال دول شویله سویلدی ، فلان سیاسیون شوفکری ترویج ایدیور ، خارجیه ناظری فلانی اقناع ایتدی ، شوموفقیتده بولندی . » ایشته غزته لر مرک همان نصفی اشغال ایدن شیلر بومقوله حکایه لردر . بر کون قالقوب « دول حامیه دن فلان دولت آمال یونانییه ترویج مائل کورینیور » دیه خیز چینلقلر کوستریلور ، برقچ کون صوکرده « فلان دولتک خارجیه ناظری بر نطق علی ایله کریده حقوق حکمرانی عثمانیه یی التزام ایلدی » دیه آلقیشلر یاییلور . بوسوزلرک سفسطه مرتبه دن نه قدر آزاده اولدیغنی و بناء علیه عالم اسلامیت و عثمانیت ایچون نه درجه ده مفید اوله بیله جکلی زمان بزه کوسترر . بناء علیه مطبوعات ایچون برارده مشرق اسلامک استقباله متعلق مذاکرات مهمه یه تخصیص ستون ایلک ده شرفی بر خدمت حیت اولور ظنندهیم .

اوینبورغ مؤتمرنده کی مرخصیلردن بر چوغی قطعات شرقیه ده نفوذ نصرانیتک توسیع و ترویجی ایچون زمانمرك ایجاب ایلدیکی تدابیرک نه دن عبارت اوله جنی حقنده سرد مطالعات ایدرکن اسلامیتک اوقطعاتده و علی الخصوص آفریقایی وسطاده انتشار رقیبانه سنی متصل اورتیه سورییورلر و آنک انتشارینک اسباب منعیه سی حقنده فکر لر بیان ایدیورلر . آفریقانک شرقندن شرق جنوبی سینه طوغری اسلامک انتشارینه مقدمات میدان ویرلش وهله ( اوغاندا ) قطعه سنده اسلامیت منع ایدلشیدی . جنوبی آفریقا ایسه بیکلرجه آوروپالیر ایله مسکون اولدیندن اورانک سیاهیلری آره سنده انتشار اسلامیه بالطبع هیچ میدان بر اقیلامازدی . خارجدن اورایه تجارت وعمله لک مقصدیله کیدن مسلمانلرک ( آسیالی ) قانونته تابع اولدقلری و آوروپالیرک مالک اولدقلری حقوق مدنیه دن محروم بر ایلدقلری ایسه معلومدر . حتی ممالک عثمانیه دن جنوبی آفریقایه کیشمش اولانلرک خرسیتیان ایسه لر آوروپالی ، مسلمان ایسه لر آسیالی حقنده کی احکام وقواعد تابع طوتدقلری مرویدر . مشروطیتک کشادنن صوکره دخی اوراده کی

کوسترلسنه اعتراض ایدن مؤتمرك اعضاى رهبانیه سنه مقابل اعضاى غیر رهبانیه دن میرالای (ویلیامس) نامنده مصرده وسائرده بولنش بر ذات « بز تحت تابعیت مزده بولنان اقوامه ابتدای امرده خرسیتان بولند یغمزی و ایکسجی درجه ده کندیلرینه حکومت ایلدی کمزی آکلاتلیر » دیدی .

شیمدی شو حالى بزم « مکمل فرانسزجه » بیلور دیه توصیف ایلدی کمز و بر چوقلرینی دولتمزك مناسبات اجنبیه سنك تدویرنده قوللاندیغمز (مونشرجی) ذوات ایله قیاس ایدم : بز مکیلرک اجنبیلرک خدام رسمیه سنه نسبتله اخلاق سیاسیه جه نه درکده دوشکون اولدقلرینی آکلارز . معنوی فرنکی علتنه اوغرامش ، مسلمان عنوانی ، فقط مسلمانلغك معقولاته مبتنی اولان فضائل حیاتیه سندن بهره سز ، غربك مسالك سیاسیه اسلامی سنك غوامضی ادراك ایدیه بیله جك حیاتدن محروم اولیه ( مونشرجیلر ) طانیرم که اجانب مواجهه سننده کی تفوهلری ، اجانب نزدنده کی تشبثلری ایله عالم اسلام ایچون احداث مضریدن چکنمالمش اولدقلری سویانسه انسانه دشمن اولیورلر ، بیک دورلو دسائس ردیه ایله ازعاج منتقمانه یه کیریشیورلر ؛ اگر سویلنمسه انسان ابرام وجدان ایله معذب اولیور . هر نه ایسه بز یینه بحمزده رجوع ایدم .

« جهان میسیونره لرکی » وصفیه مسما اولان بو مؤتمرده اقوام اسلامی آرهنده برمدندن بری ظهوره کلکده اولان آثار تیقظندن ده بحث اولندی . فقط بوتیقظه قارشى توجه کوسترمك مقتضای انسانیت ایکن آثار تلاش اظهار اولنسی دقته شایاندر . تیقظ شرقی مدینت غربیه نك انتشارینه معارض کی کوسترمك عجیب بر جالدر . تیقظ اخیر مناسبتیه « بعدما میسیونرلک وظائف خیریه سنك یکی تدبیرلره اجرانسه توسل ایدم » دیورلر . بعض ذوات ده « شرقده فتوحات املی آرقه سنده قوشان حکومت افرنج ایله متحدالمسالك کورنیمه ، مدینت نصرانیه پی اشتباه سیاسیدن منز برصورتده ادخال ایدم » دیورلر . دیگر بعض ذوات ایسه « معارف ، تجارت کی انتظام اداریه دخی اوتندن بری جهات غیر متمدنه ارضه انجیلک اثرینی تعقیباً ادخال اولنه کلدیکنی » ایلری سوروب آریلق غیریلق احتماله قائل اوله میورلر . اکثر ذوات « قادین میسیونره لرکنه اسکسندن زیاده اهمیت ویردمده اقوام غیرنصرانیه عالیه لر آرهنده وسائط نسوان ایله فضائل مدنیه غربی ترویجه اوغراشم » دیورلر . بوذاتلرک کافه سی ده بلادبعیده شرقیه ده میسیونره لرکک اجرا ایده جکی تدریساتک و طبابتک ده زیاده توسیع اولنسی لزومنی تصدیق ایدیورلر . بوندن بویه مهم یرلرده میسیونره اوله رق کوندریله جك خدام مدینت نصرانیه نك فنون مفیده تدریسی کی اجرای طبابت ایچون دخی حاضرلنش کساندن انتخابلرینه دقت اولنسی توصیه ایدیور . صیاندن جان قزاق ایله جانی تهلمکده بولنانلرک تداویسنه چالشمقده کی تأثیرک کرامتنی آوروپالی ناشر دینلر پک اعلا آکلایورلر . یینه مؤتمرده اوقونان لایحه لردن آکلایشیلدینی اوزره مصر

اخوان اسلامیه مز بوحالدن طولانی لوندرد سفارتی واسطه سیله شکایاتده بولندیلر . استانبولده مقام عاندنجه او عثمانلی مسلمانلرینک حقوق وحیثیتی انتراماً نه تدبیر اجرا ایلدی کی بردرلو آکلایشیه مامش کیتمشدر !

میسیونره لر آفریقانک غربنه طوغری و علی الخصوص قطعات وسطیه سنده اسلامیک انتشارندن متحاشی کورینیورلر ؛ « اگر چاره سنه باقاز ایسه کیت کیده جنس اسود قبائلی تمامیه مسلمان اوله جق » دیورلر . اودیارلرده مقاصد غیردینه ایله بولنش اولان بعض آوروپالیلره تصادف ایتدم . بولردن آکلایه بیلدی کمه کوره اودیارلرده اسلامیت میسیونره لرک عن قصد مبالغه ایتدکاری صورتده سرعته انتشار ایلمیور و آنجق بش آلتی عصردن بری فصل انتشار ایلورسه ینه او صورت تدریجیه ده مهتدی قزانیور ایمش . میسیونره لر آوروپالی مأمورینی علی العموم کندیلرینه معاونته اجبار ایچون بومباله ده بولنیورلر ایمش .

مؤتمرده منع انتشار اسلام ایچون سرد اولسان افکاردن بریسی ده سودان کی ، شمالی یجریا کی اکثریتله اهل اسلامی حاوی اولان مستملکاتده آوروپالی مأمورلرک میسیونره لرده تسهیلات کافیه کوسترمه ملری شکواسیدر . فی الواقع مستملکات افرنجیه میسیونره لرک بین الاسلام نشر نصرانیت ایچون وقوع بولان مسالك مزعجه لری ، تشبثات جرأتکارانه لری بک چوق فسادات و منازعاتی احداث ایلش اولدیفندن و مأمورین افرنج ایسه بالطبع کندی جنس و مذهبلرندن اولان میسیونره لری حمایه مجبور بولدیفندن و بوایه یرایلر آرهنده آثار عصیان تولید ایلدیکندن بعض یرلرده میسیونره لر مأمورین محلیه دن ایستدکاری مساعدنک کافه سنه نائل اوله مازلر . فقط بو مؤتمرده تکرار اولدینی وجهله سودانده ، فلانده میسیونره لرک بین الاسلام اجرای فعالیتدن منع اولدقلری حقنده کی ادعا بر سفسطه دن عبارتدر . فی الواقع حکومت متمه دیه نك محاسندن صوکره سابق سردار مصری انکلیز جنرالی کیجینر حسب السیاسیه سودانده مدت میسیونره لری بین الاسلام اجرای فعالیتدن منع ایلدی . مع مافیه بومنونیت بالاخره حکمدن دوشدی . سودانده سیاحت ایلدی کم زمان کندی کوزمله کوردم که انکلتره ، آمریقا و آستریا میسیونره رجعتیلرینک خرطوم شهرنده کی مکتباری ، مؤسسه لری یالکز سودان جنوبی مجوسیاری آراسنده دکل قبائل اسلامی آرهنده دخی نشر نصرانیت ایله مشغول اولمقده درلر .

بعض مستملکات مأمورلرینک میسیونره لرلردن زیاده مسلمانلره طرفدارلق ایتدکاری حقنده مؤتمرده ذکر اولنان ادعا ایسه صرف بهتاندن عبارتدر و بلکه بین المجوس نشر اسلامیت اسبابی منع ایچون میسیونره لرک آرزو ایتدکاری هر تدبیره موافقت اولنمادی بومسلمان طرفدارلنی حقنده کی ادعانک موجیدر . مستملکاتده کی مأمورین افرنج اموردینه ده نه قدر قیدسز اولسه لر بیله تربیه اولیه لری و مسلك ملیه لری وجهله منسوب اولدقلری دیانت علیهنده حقیقه جق هر دورلو قول و فعلدن اجتناب ایدرلر . مسلمانلغه طوغری بویه جه اثر توجه

وهندستان مثللو برمدنیت قدیمه یه مالک اولوبده اداره غربیون تحتیده بولنان ممالکده غرب میسیونر لکنه قارشی حسیات منافرت موجود اولدینی حالده استقلالیتنه مالک اولان ممالک عثمانیه ده میسیونر تشبثاتی حقنده آثار توجه بیهله مشاهد ایش : بونک سبی نه اوله ییلور ؟ غالباً اداره اجانبده بولنان مسلمانلر ایشی ده یقیندن تشبع ایتکله او حسیاتی حاصل ایش ایش اولمیدر لر . ممالک عثمانیه ده موجود اولدینی روایت ایدیلن آثار توجه حقیقتاً موجود ایسه آکا هیچ ده تعجب ایتیم . دینسزلک هر مملکتده کوریلان بر حال ضالاند . فقط یالکیز بزده کوریلان بشقه بر حال ده وارکه اوده مسلمان اسمی طاشیدقاری ، مسلمان خلقنک نعمتیه منتعم اولدقاری حالده مسلمانلغه قارشی نفی بسیلینلرک آز اولمامسیدر . بو مقوله لرک مادیاته طاینبوب ظواهر احوال غربیه قاپلاری ایسه قیلرند غریبه عائد اولان هر شی ایچون بر میل و توجه حاصل ایش اولسه کر کدر . برده اولادمنرک اولسون پاشا اولسون و معارف غربیه سی سایه سنده مقامات مهمه رسمیه یه کچسون دینلر آره سنده اولادینی منتظم میسیونر مکتبلرینه کوندنلرک بزده هر یردن زیاده بولنسی نظر دقتدن دور طو تلماق اقتضا ایدر . افکار ، حسیاتی میسیونر لرک تحت نفوذنده اشراح بولمش اولان کنج لرک مادام الحیات میسیونرک حقنده ابراز مخادنت ایللری محتملدر .

اوتنه دبری وقوع بولان نشریاتدن دخی آکلاشیله جنی اوزره عاجزلری مشرق اسلامده وقوع بولان میسیونر لکه معارضه . مع مافیه او خصوصده کوستریان غیرت ، ثبات وفداکارانی و خلقک آنلرک تشبثاتی اوغورنده کوسره کلدیکی تسهیلات و اعاناتی تحسین ایلهمک انسانک الذدن کلور . کاشکی آنلردن عبرت آلمه مقتدر اوله ییلسه ایدک .

لونده خلیل خالد

## عالم اسلامه قارشی تجاوزات

بزمسلمانلر های هوی عز و جاه ، ابتلای کیف و صفادن باشمزی آزیحق قالدردق و اطرافزه بر نظر عبرت عطف ایتک ایسترن کن محیطمزی سیاه بولو طلرک قاپلامش اولدینی کور بیورز . جزئی حرکت انتباهیه مز ، رقیبلرک متجسس نظر لرینی جلبه کفایت ایدیور . بینمزده تعاطی ایدیلان لافدن ایلری کچمیان حسب حاللر ؛ غرب و همیونجه برر حقیقت موجوده اوله رق تلقی ایدیور . شرقده اولان اصغر نامتاهیلر غربده اعظم نامتاهی اوله رق تجسم ایدیور .

«شرق» دیمک ایله تکمیل اقوام شرقیه اکلاشیلماسون . اقوام شرقیه دن یالکیز انحق بزمسلمانلر اولدینمزی اونو تمیه لم . بوکون شرقک اک بیوک حکومت واحده مستقی و درت یوز میلیون کتله بشریه نک حکمرانی بولنان چینک موقعی ، غلبه لکی هر درلو اساطیر موهومه و تهلیکه محققه امکانه جواز کوستر کن غربده هیچ بر فردک

چین حقنده اولان تلاشی ؛ اسلاملر حقنده اولان تلاشی قدر دکلدر . بوکون چینده بالفعل موجود بولنان ( بوقسهر ) اتحادینک ؛ اوروپا و غربیه اولان تأثیری ؛ هیچ بروقت موهوم بولنان اتحاد اسلامک حصوله کتوردیکی دهشت و عظمت قدر عکس ایتیور . براتحاد اسلام خبری اوروپایی الت اوست ایتکله کفایت ایدیور . حالبوکه بویکی اتحاد اراسنده کی فرق یک بیوکدر . ( بوقسهر ) یکانه برملت حاکمه عظیمه تحت حمایه سنده اولدینی حالده ( اتحاد اسلام ) ک دهها نام و نشانی بولندینی کی تشکیل ایدمک افرادی ده هنوز خواب مدیدلرندن اویانمامشلردر . برده بومعظم افرادک اوغرادینی داخلی و خارجی تقسیمات و تفریقات ؛ اتحادک حصولی همان همان عذیم الامکان بر حالده بر ایشدر . بوجهتلر ؛ بتون عالمجه مسلم ایکن رقیبلریمزک بزدن طولانی اولان تلاشنه نه معنا و یرمه ؛ دیمک اولیورکه مسئله ده موجود اسراری کشفه هنوز مقتدر دکلر !

بومعنا سز تلاشلر ایله حقوق صریحه مزدن هر کون برینی غصب ایتکدن مقصد ندر ؛ سبب ندر ؛ هله بوصوک عصرلرده موجودیتیز علینده ارتکاب ایدیلن جنایتلر ندر ؛ بولر هانکی حقوق بین الملله توافق ایدیور ؛ یا خود لوای محمدینک تحتنده طویلانلر حقوق مدنیه نک ماوراسنده می صایلیور ؛ بوکون شوکت و عظمت اسلامیه نک بقیه سی اوله رق قالان دولتمزک ترقیاته نصل باقیلیور ؛ افکار عالمده یشایان بونجه میلیون مسلمانلرک ملیته ، رابطه سنه ، حقوقه ، نهلر یاییلیور . بوکون عالم اسلامک ماتمی تشکیل ایتکده اولان کرید مسئله سی نصل حل ایدلمکده در . طوغریدن طوغری عالم اسلامیتک جزء کرانه های و حق مقدس و مشروعی بولنان بوتاریخی جزیره بوکون کریدده ساکن اولان اهالینک ایکی مثلی قدر اجدادیمزک آقان قانلری بهاسنده ، ربع عصر قدر اوزایان غزوات مقدسه لری نهایشنده تملک ایدیلرک حق مشروع اسلام اولمشدر . اسلامیت و تورکک علینده حصر موجودیت ایدنلر ، بو امنیه یی کنیدیلرنجه وظیفه مقدسه (!) اوله رق تلقی ایدنلر یونان و خریستیانلق مدافع لری ؛ نه قدر چالشیرلر سه چالشیرسونلر کریدک حق مشروع اسلام اولدینی حقوق بشریه صحیفه لرندن سیله مزلر . چونکه کرید تعرضی بر صورتده دکل ؛ تدافعی بر صورتده حق مشروع اسلام اولمشدر .

هان اتحادینک شواوج بالای مدینتده بحرسفیدک پیره لیاننده ۳۰ مایس تاریخنده نصلکه مدینت نامنه وحشتلر اجرا ایشلر ؛ انسانیت و مدینتی ایقلر التنه المشر ایسه ۱۰۴۵ تاریخ هجر یسنده اووقتلر دهها مدینتی و انسانیتی بولندقلرندن (!) پیره دن اوزاق دکل ، ینه بحرسفید تموجکاهنده اله کچیردکلری بیکارجه حجاج ذوی الابهاج اسلامیه نک معصوم قانلری ایله اق دکلرک لاجوردی طالع لری قمری یه تحویل ایشلردی . حتی هلنلر الذدن بعنایه الله صاغ قالان حجاج کرام ایسه مال غنیمت اوله رق باغلامشدر ، اشکنجه لر ، اذیتلر ، عذابلر ایچنده برسفینه یه ارکاباً حانییه سوق اولونمشلردی . یولده برقسعی محضا حمیت مایه و صلابت دینی لری محافظه ایتدکلرندن طولانی دیری